

2. igne sacro et caeremoniis vivit. Quam abdicationem nuncupant, eandem esse devotionem scias, o Panduida! Haud
3. sane nisi abdicatis consiliis devotus evadit quisquam. An-
nitentis anachoretæ opera prædicantur subsidium; eiusdem
4. vero ad devotionem iam enisi tranquillitas prædicatur subsi-
dium. Quippe quando nec in rebus, quæ sensibus obver-
santur, nec in operibus suspensus hæret, omnibus consiliis
5. abdicatis: tunc enisus ad devotionem dicitur. Extricet se-
met sua ipsius ope, nequaquam ipse semet deprimat. Homi-
nis spiritus tum suimet est socius, tum quoque suimet inimi-
6. cus. Socius est suimet spiritus eius hominis, qui sua ipsius
ope semet ipsum vicit; inimicitia autem erga id, quod non
7. spiritale est, spiritus inimici more se gerere potest. Suimet
domitoris, placidi, spiritus summum locum obtinens in se re-
colligitur, in frigore et calore, in voluptate et dolore, simili-
8. ter etiam in honore et ignominia. Cuius spiritus gaudet
scientia et cognitione, in fastigio stans, sensibus perdomitis,
is devotus dicitur, devotioni initiatus, cui nihil interest inter
9. glebam, lapidem et aurum. Inter amicos, familiares, hostes,
alienos, neutrarum partium homines, infensos, socios, inter ho-
10. nos quoque ac improbos æquanimus magni aestimatur. De-
votus semper ipse se exerceat, secretum petens, solitarius, coër-
11. citis cogitationibus, nulla spe erectus, sine comitatu. In re-
gione pura figens sibi sedem stabilem, non nimis sublimem,
12. nec nimis humilem, nebride ac verbenis constratam, ibi
animo in unum intento, coërcitis cogitationibus, sensibus,
actibusque, insidens huic sedili exerceat devotionem, lustra-
13. tionis suæ gratia. Aequabiliter corpus, caput cervicemque
immota sustinens, firmus, intuens nasi sui apicem, nec plagas
14. diversas circumspiciens; placatus, timore excusso, in of-